



Setjhaba se ratehang sa CUT

Re fumane tiisetso ya hore mosebetsi wa CUT, khempaseng ya Bloemfontein, o tshwaeditswe ke COVID-19. Re rata ho fetisa molaetsa wa kgothatso ho mosebetsimmoho le rona ha a kena khwaranthining mme re re ho yena a tle a fole ka pele. Re a o kgathalla re le lelapa la CUT mme re tla o beha dithapelong tsa rona.

Ena ke tleaho ya pele ya tshwaetso ya COVID-19 yunivesithing ya rona. Mosebetsi enwa o se a le khwaranthining tlhokomelong ya Lefapha la Bophelo la Porovense ya Foreisetata. Balefapha ba se ba qadile letsholo la ho ikgokahanya batho bohle bao mosebetsi enwa a ileng a teana le bona mme ha ba se ba fumanwe le bona ba tla kena khwaranthining mahaeng a bona. Re ile ra kwala moaho oo mosebetsi enwa a sebetsang ho wona hore o hlwekiswe ho latela metjha e behilweng. Monyetla wa hore tshwaetso ena e name yunivesithing ya rona o tlase haholo. Yunivesithi e latetse metjha yohle ya polokeho ho nnetefatsa hore meaho ya rona e hlwekile ebile e bolokehile.

Re iphumana re phela nakong e boima haholo mme re a eellwa hore sewa sa COVID-19 se tswala ditsitsipano le ditsikitlano tse tsitsinyang maphelo a rona mmoho le yunivesithi ya rona. Le ha ho le jwalo, re a le tiisetso hore re ikemiseditse ho leka ka hohlehohle ho boloka dikhempase tsa rona di bolokehile.

Re le setjhaba sa CUT, re ikemiseditse ho ema mmoho ho fokotsa ho ata ha lefu lena. Yunivesithi e ntse e tsitlallela ho ntlafatsa le ho beha sehlohlolong Leano la Ntshetsopele ya Kgwebo ho nnetefatsa hore re na le mawa a hlokehang ho lwantsha dikotsi tseo re tla tobana le tsona. Komiti ya Batsamaisi le Moifo wa Diketsahalo tsa Tshohanyetso wa COVID-19 mmoho le Mekgatlo ya Basebetsi le Mokgatlo wa Baithuti ba dula ba kopana ho shebisana ka diketsahalo tse sehlohlolong mme re tla le tsebisa ka diqeto tsohle tse re tla di nka. Ho feta moo, Batsamaisi ba sebetsa mmoho le Mmuso wa Porovense ya Foreisetata ho tobana le sewa sena esita le diphepetso tse ka thefulang lekala la thuto e phahameng ka hara porovense ya rona.

Ka kopo, tswelapele ho itlhokomela. Etela: <https://www.cut.ac.za/coronavirus> ho iphumanela malebela a polokeho a tla o thusa mmoho le balelapa la hao, baratuwa ba hao, metswalle ya hao esita le basebetsimmoho le baithuti. Ho feta moo, latela metjha yohle ya polokeho e behilweng ke mekgatlo ya naha le Mokgatlo wa Lefatshe wa Bophelo esita le melawana e behilweng dikhempaseng ka bobedi.

Hobane bophelo le boitekanelo ba basebetsi le baithuti ba rona bo bohlokwa haholo, re dumela hore metjha e kang ho kgaotsa ho kgobokana le ho ikobela melawana ya polokeho, e tla re thusa ho laola ho nama ha COVID-19 mothathing ona. Re le moifo wa CUT ka tsebedisanommoho le setjhaba sa Aforika Borwa mmoho le baahi ba dinaha tsa matjhaba, re tla hlola tlakotsi ena.

Ramasedi a le hlohonolofatse!

Prof. Henk de Jager

Motlatsatjhanselara le Hlooho